

Wanem bai kamap sapos mi votim rabis lida?

Votim lida bilong yu em bikpela disisen, na yu mas makim gut. Nogat bai yu pilim hevi long 5-pela yia.

Sapos yumi larim wanpela rabis lida lukautim ol samting bilong yumi, yumi no inap kisim ol sevis yumi mas kisim. Yumi no inap kisim ol marasin or helpim taim yumi sik, ol pikinini bilong yumi no inap kisim skul na bai nogat sans long kisim gutpela wok, yumi no inap go long maket long baim o salim ol kaikai bilong yumi, na bai yumi sik bikos wara yumi dring i no klin.

Wanpela disisen kamapim planti hevi. Sapos yumi no vot gut na makim ol kandidate yumi save bai makim yumi gut, yumi bai pilim hevi long neks 5-pela yia. Em longpela taim stret long stap wantaim rabis helt sevis, skul, rot and wara long dring.

Olsem na tingting long wanem samting komyuniti i laikim tru na makim wanpela kandidate husat yu bilip tru bai kamapim ol gutpela senis bilong yu na ol lain i kam bihain long yu. Tingim, bai yu vot insait long klostu long 5-pela seken tasol, na bai yu karim hevi 5-pela yia sapos yu vot kranki.

Long wanem rot bai wanpela vot givim mi tripela sans? Tok klia long LPV sistem.

Ol kamapim LPV sistem long mekim wok bilong vot gutpela moa. Pastaim, kandidate husat kisim planti vot (o putim X long bokis bilong em) i winim ileksen. Dispela rot bilong vot ol yusim pastaim save lukim kandidate husat planti taim no save kisim planti vot long ol manmeri long ilektoret i win. Dispela i no stret.

Yumi bai yusim long 2007. Long dispela sistem yumi ken makim 3-pela kandidate husat yu ting bai mekim gut wok olsem Memba bilong Palamen, long makim maus bilong yu na komyuniti bilong yu. Kandidate husat kisim planti ol vot bai win, tasol dispela l bihain long em kisim moa long hap bilong ol vot bilong ilektoret. Dispela em i stret.

Yu bai vot wanpela taim tasol, tasol yu bai makim 3-pela kandidate long balot pepa. Dispela em we em bai wok:

- Vot 1 long kandidate yu ting em kandidate husat i nambawan kandidate long kisim dispela wok na yu laikim tru long win.
- Vot 2 long kandidate yu ting em kandidate husat bai mekim gut wok tu sapos kandidate nambawan no win.

- Vot 3 long kandidate yu ting em kandidate husat bai mekim gut wok tu sapos kandidate nambawan o namba tu no win.

Tingim. Wanpela tasol ken win!

Ol samting yu mas tingim:

- Moa meri wok long gat laik long resis long 2007 ileksen. Tingting gut long givim wanpela makim bilong yu long wanpela stretpela kandidate meri.
- Noken vot long wantok o famili memba bilong yu sapos ol i no ol stretpela man o meri. Tingim, disisen yu mekim bai lukim we olgeta manmeri long ilektoret bilong yu bai sindaun long neks 5-pela yia. Em long taim stret long pilim pen sapos yu no makim gut kandidate.
- Yu MAS makim tripela kandidate long balot pepa o ol ilektorel opisel no inap kaunim vot bilong yu.
- Ol manmeri krismas bilong ol 18 na antap gat rait long vot.
- Yu ken vot long ol hap ol makim long vot o poling hap long ilektoret bilong yu tasol long vot na vot wanpela taim tasol. Sapos yu vot moa long wanpela taim yu brukim lo, na yu no soim gutpela pasin long ol narapela manmeri bilong PNG, komyuniti bilong yu, na long yu yet tu. Em rait bilong olgeta manmeri olsem olgeta manmeri husat gat 18 krismas na antap l gat wankain strong long vot long makim ol lida bilong ol.
- Yu tasol ken vot. Sapos wanpela tok em bai vot bilong yu, tok "nogat" na go vot yu yet. Em rait bilong yu long tromoi vot bilong yu yet.